

三
雲
籌
俎
考

險隘考

易曰王公設險以守其國夫天險不可升也地險山川丘陵也憑而守何以設爲然而山川丘陵之不可踰也其衝緩或異形也截鶴續鳧異宜也霄漢而跬武之湫隘而立使成夾塏異制也此則設之之義也裁成輔相天地讓能胡可不講耶故長江天塹北軍飛渡于剎那函谷泥封囁語姍

笑于千古此非往事之殷鑒哉至于邊陲
則尤亟已虜騎長驅千里瞬息駸駸懸絕
技擊焉施斯時而得尋丈之垣足當萬甲
矣歷稽往牒雲中各堡諸名公所建置者
如中路弘賜五堡則大司馬毛公伯溫所
創史中丞道終其事而雲郡之堂輿以嚴
東路平遠新平等四堡則制府翁公萬達
依山乘障勢成金湯而陽和之犄角有賴

西路雲岡等六堡則制府楊公博因被圍
之後相地基列資爲唇齒而長驅之虜騎
遂躡南路迎恩敗胡等堡則中丞詹公榮
所築後以乘障不嚴虜得闌入迄今有餘
恨焉此設險之明効大驗也萬曆丙子先
司寇奉

命閱視進三鎮圖說戰守之畧犁然指掌矣
丑余以兵臬于後此中屬經紀奔走虜


封之局諸路形勝險隘親歷而詢討之茲奉
璽書鎮撫全雲特裒先司寇耳提及近踐歷
諸所繪圖標說與文武共事諸君協力誌
圖之已築者巡查修葺未盡者相度議增
庶幾不負

聖主疆場之托乎雖然諸名公爲



國殫忠籌邊無復遺策故凡所經畧建置靡
不中要害而垂永利諸堡特其一班耳後

來者慎守之千里金墉當與峴首兩俱不
朽矣自非然者所用守邊將吏或非其人
平居惟巧蠅營聞敵輒先鼠竄如前者石
州之犯虜經由迎恩等堡出入閭若無人
詹公所營徒成空堞耳何裨益之與有此
又在人不在險


大同鎮總圖





新平路邊沿長四十九里





陽和道轄新平來務
屬四城堡




巡道轄不屬路
七城堡













關子海墩





巡道驛北東路
寨將馬八堡




孔橋關











黃旗堡

中路沿牆長一百二十四里

大同道縣之界東接歸化城

破胡堡


馬堡


黃土堡

牛心堡


雲陽堡

牛心山









大同總鎮圖說

大同古并州地春秋爲北狄戰國時隸代隸趙至秦
置雲中郡兩漢因之嗣後迄元稱府稱路沿革靡一
我

朝設大同府建

代藩永樂七年置鎮守總兵官於是大同稱鎮是鎮也
北扞胡虜以控帶幽燕南總三關以招徠晉魏翼衛
陵寢屏捍

神京屹然甲九塞焉正統後虜酋淫逞剽掠不時東勝
失守雲玉中徒一牆之外豺狼所嚙三雲以內赤白

之丸不絕于道嘉靖中俺酋猖獗遂令邑無完雉堡
盡血燐遑氓禡魄則惟竊出從虜耳

世宗督過邊臣操於東濕邊臣亦仰承

德意急於抹焚物土相方補苴塞罅先築紅賜等內五
堡于東嗣築鎮羌等外五堡于西既朔靖虜滅胡諸
堡以壯聲援又於塞外築拒牆五堡以厚蔽肩背於
瓦窪木峪口北築新平三堡以益密藩籬險以漸增
地因時辟而全鎮之保障庶幾完美復以守塞之道
長城以爲守城必附臺以利傍擊臺必置屋以便瞭
卒西起丫角山東止李信屯延袤三百餘里森列敵

臺暗門又以拒牆五堡越在邊外添築新臺如偃月形東西附於舊塞右衛圍急復築雲岡等六堡以便策應先後繕堡繕城置道置將區畫周防已無遺筭而虜氛正熾荷戈無停牆臺漸圯守者難之幸而狼昴失耀裔孫入柵桑椹既食懷我好音歷代跋扈不臣之虜鮮辦受


封號而我乃有餘閑得次第完葺以固吾圉所在堅實足稱金湯萬曆初更築大邊五百六十餘里又築三屯馬營樺門等堡相繼修守綢繆益備畫地以轄北東路暨不屬路七城分巡道統之新平東路陽和道

統之北西中路威遠大同道統之西路井坪分守道
統之而其最屬要衝者中路則得勝北逼市口北西
路兔毛河直通邊外北路水口彌陀山等處挺出塞
北而東路則鵠鵠峪鐵果門夙號要區其新平三堡
又孤懸東北轉輸既艱應援不易板升逆黨甘心外
向我之情形虛實屢悉周知今固款貢救寧倘蠢爾
匪茹防貴未雨彼夫精訓練以操常勝之勢謹羈馭
以消叵測之情料敵設奇體權盡變務使野心狼子
長受戎索搖尾帖耳而不敢動固非區區方冊所能
綏陳然聚米指山談兵前箸察地利而策戰守或亦

考索所必資用是稽往採衆述其大概沿革創置險
要衝緩備著本鎮分屬八路城堡繪圖而各繫以說
庶一覽而三雲形勝如在目前云

陽和道所轄新東二路圖

陽和道所轄新東二路圖



龍圖






圖 屬 分 將 叅 路 平 新





新平分邊長一十八里

邊城二十六里大路家十六座

東至平遠十五里

北至邊牆七里

西至本邊牆二里

南至瓦窰口三十里

新平堡


城週三里六分高三丈五尺
內駐兵將守備各一員
中軍千把總七員


大集

新市

松木林
古柳

川林





五路台有都落

平胡墩極街

北至新平堡七里

東至正遠堡三十里


西至本邊牆一里

南至樺門堡十二里

保平堡

總軍三千一百一十八名

城週一里七分高三丈五尺內駐守備坐堡各一員



此新平叅將所轄也屬三守備一防守分邊沿長四十六里有奇本路原非舊設乃嘉靖二十五年新展自境外者舊邊自東路鎮寧堡縮而南與宜鎮之李信屯相聯不惟邊垣曲折加長抑且哨夜近虜難瞭今開拓而北直與宜鎮西陽河相接又增樺門堡爲之屏蔽烽戍相連夷首遠徙其爲計誠得矣第自設本路以後在兩鎮固賴有藩籬然孤懸天末本路亦危如累卵况重山疊障虜易凭高以窺又土地肥饒彼中垂涎已久今雖以欵貢寧謐萬一匪茹倍當嚴慎議者謂邊外地名舊榆林縣去新平不數十里遺

址猶存乘今虜酋帖耳若恢復之增築一邊以峻背
後之防更爲完固是雖物力匱乏之際工費兵餉未
易增加然開疆固圉以備不虞亦扼險之永圖也

平遠堡

嘉靖二十五年土築
隆慶六年磚包

本堡南面山險東面平川雖東北有西陽河西北有
新平堡聲勢相連左右頗可應援而界接宣雲防禦
之計更宜加謹嘉靖間虜由此入犯宣鎮柴溝等處
偵探稍疎鳴鏑突至蓋東路一要地也回回墓頭二
道與河等處係五路台吉下石寶成比妓察漢兒比
妓等部落住牧小白海子兀慎台吉下酋首哈賴倘

不浪等住牧若虜從大紅花林東犯隔鎮西陽河一帶地方本堡并宜鎮兵馬併力堵截可也

新平堡

嘉靖二十五年土築
隆慶六年磚包

本堡該路將駐劄之地設在山後出山口若驚嘴然東爲宜鎮西陽河藩籬南爲瓦窰天城屏翰嘉隆間節被人犯今五路台吉松木兒及守口夷人俱在古城并榆林舊縣等處住牧內水泉兒溝榆林縣川極衝若虜從此入犯投南則大同鎮兵馬併力拒堵投東則宜鎮兵馬可以拒堵今雖設有市口諸酋往來交易頗稱恭順脫或渝盟此爲首禍之地不可不嚴

餉也

保平堡

嘉靖二十五年土築
隆慶六年磚包

本堡建在山後邊外腰大山等處首首五路台吉等部落佳牧嘉靖三十七年虜由此入犯勢甚危急賴有新平平遠應援不至大害內平胡墩極衝如虜入犯三路兵馬併力策應庶保無虞


樺門堡



萬曆九年設
十九年磚包

本堡設在山坪列壘而居勢甚孤危然自立此堡戍守有人斥堠接警虜不敢南下而牧故款後增設亦扼險之要地也邊外兀慎朝台吉等下守口夷在發

放牌插溝明暗倘不浪羊羔素等部落在舊榆林縣
各住牧若虜犯瓦窪此必由之道防禦之計更宜慎
矣


東路恭將分屬圖





白羊口堡

西至鎮口堡十八里



東至瓦窑口堡二十里

威胡口堡

鎮寧分道一十三里
邊墩二十一座大路墩一座

天城分道六里
邊墩一十座
大路墩三座

里十二城天至南


里十三口窑瓦至北


西至陽和城六十里



東至杞紀山堡二十里

里十三關新米至南





鐵橋

即落

即落

即落

即落

即落

即落

即落

即落

即落

即落

即落

即落

城通軍西門至步高
三丈五尺內堅守備
把總各一員

朱子鎮江門堡四十五里

守口堡
城通軍西門至步高
三丈五尺內堅守備
把總各一員

里五十和陽至南

東山溝神廟
西至鎮江堡二十里

天邊溝神廟

陽和分道長一八里

遠墩三十六座

火路墩二八座

神略溝神廟

天邊溝神廟

陽和城
城通九里三分高三丈七尺
內駐陽和道軍中軍左
右遊擊都司同知總兵等
備總兵府衙所

西至鎮江堡二十里

東至天城六十里

里十三堡

登白至南

朝台



吐力哥倫
不浪等部

海



六

把都兒格
等部

右圖見極衝

靖寧分道長十里

慶塔二十六座

大路墩五座

東至河口堡三十里

鐵兒馬
紐倫

北至木連堡



西至銀海堡十五里


子壤溝堡衝

南至河州城五十里



城

城



此東路叅將所轄也本路將官洪熙元年設屬六守
備三操守分邊沿長九十六里四分隨在皆邊虜患
孔棘自議增新平而外有重蔽續移制府而內有重
援且款後邊境寂寧烟塵不聳即守口市場元慎擺
腰等交臂受事無敢睥睨可謂晏然但役差疲累闌
闌空虛招撫流移開墾田土強兵足食以備不虞則
今日之急務耳

未嘉堡

嘉靖三十七年設
萬曆十九年磚包

本堡設在邊內雖無衝口然與宣鎮李信屯相爲犄
角止管接火墩臺然地瘠人寡守禦爲難嘉靖間大

虜從此入犯直抵渾源靈廣等處亦不可以其邊內而易視之也

瓦窑口堡

嘉靖三十七年設
隆慶六年磚包

本堡北面倚山南面平坦適當新平孔道稱咽喉地
鴨谷間可以設伏倘新平踈虞此地尚能拒虜是天
城陽和之一大障蔽也

鎮寧堡

嘉靖四十四年設
隆慶六年磚包

本堡東北山險西南平川滅胡白羊等口號爲極衝
邊外野馬川回回墓等處酋首威敬恰兒克腦及言
倘不浪等部落住牧嘉隆間零騎不時入犯附近李

家庄李家寨谷岩後堡馬溝牆堡皆其衝突之地蓋以李隆溝之虛偏近本堡也近已乘暇脩築足堪居守但地皆沙磧難以鑿井向來取汲牆外緩急可虞議者欲照宣府中路葛峪青泉等潛引地溝以通水道非迂談也

鎮口堡

嘉靖二十五年設
隆慶六年磚包

本堡前險後夷邊外多深溝曲澗逼近夷穴易于竊發榆林水磨等口極衝邊外乾沙溝等處酋首老塞亞失戶等部落駐牧嘉靖間虜從此入犯攻掠天城等處勢甚猖獗然烽火接傳天城兵馬伏于谷岩前

堡水桶寺可以堵截陽和兵馬伏于席家灣袁家堡
可以邀擊但堡內無井與鎮寧鎮門俱取汲牆外萬
一遇流深足慮耳

鎮門堡

嘉靖二十五年設
隆慶六年磚包

本堡雖小而堅大小鵠鵠峪極衝邊外鵠溝等處酋
首敖不艾鉄木兒等部落駐牧嘉靖二十四年虜由
小鵠鵠峪入犯幾不可支所幸去軍門爲近聲援易
及不至于危議者謂邊外舊牆久廢遺墩尚存乘間
脩復俾與鎮寧鎮口數堡皆可藉以守瞭是亦一策
也

守口堡

嘉靖二十五年設
隆慶六年磚包

本堡爲陽和肩背內尖山兒等溝極衝邊外威寧海子等處酋首都都恰等朝庫兒倘不浪等部落駐牧又把林台吉于黃河一帶起草在本口貢市隆慶間虜從此入犯全鎮告急自設市口羈縻又有靖虜鎮門二堡爲羽翼標下兩掖爲彈壓聲勢相倚足堪保障云

靖虜堡

嘉靖二十五年設
隆慶六年磚包

本堡一望平川並無崇山峻嶺礪兒溝子濠溝等處極衝邊外柳溝太尖山等處酋首把都兒捨金滿骨

素等部落駐牧先年虜曾由沙溝入窺近牆塹增脩高堅可守時加葺補亦可無虞

天城城

洪武三十一年磚設萬曆十三年重包

本堡路將駐劄之地內設天城鎮虜二衛天城一驛水峪口寺兒墩等處極衝通大虜邊外麻地溝等處酋首敖卜燕等部落住牧往嘉靖二十七年虜大舉由此入犯攻掠甚慘歎後增修城垣堅固足稱險要但間里蕭然空虛未實驛站疲累軍民苦之召補甦卹所當加意也


陽和城


洪武三十一年磚建萬曆三十年重脩


本城離邊密邇爲極衝邊外懾清等處兀慎台吉男
朝台吉首首屹力哥尙不浪等部落住牧先年大虜
入犯曾有覆軍殞將之禍自嘉靖二十五年軍門從
朔州移鎮重兵雲屯旋改朔兵備爲陽和道以本城
原設叅將改調天城而以天城入衛遊擊補之萬曆
二三年又增撫夷守備左右掖營管糧同知等官威
讐聲懾迄茲就欸似無足慮但群酋之乞討絡繹三
鎮之輪蹄輻輳煩擾散疲惟本城獨當之耳


分巡冀北道所轄北東路暨不屬路圖



分經冀北道所轄北路東登不屬路圖











此北東路叅將所轄也屬六守備一操守分邊沿亘九十六里三分該路逼近虜巢左翼陽和右翼左衛實爲戎馬之衝東連兀慎擺腰等西連順義王東哨打兒漢倘不浪等部落直北則永邵卜穹廬踞焉極目虜庭一垣外蔽川原平行無險可據如虜大舉入寇漫無阻遏故先年議築弘賜等五堡以爲鎮城藩離又增築鎮羌得勝拒牆三堡以峻五堡門戶血脉益聯聲援綦密防禦亦云周矣但闔鎮大市俱屬本路稍不戒慎釁起眉睫精訓練以備非常固疆圉以消叵測可不倍爲謹焉

鎮邊堡

嘉靖十八年更築
萬曆十一年磚包

本堡原非官設初名鎮胡後改此名以守備駐之內
白涯溝舊十墩俱當衝口通大虜邊外海子東岍孤
山腰大山一帶酋首卑免恰首獨恰等部落住牧本
堡當守口得勝兩市之中聲勢連絡可恃無恐然隆
慶元年虜曾入踐採藥山如有警須于近堡深溝天
橋樑等一帶設伏邀堵要不得徃應援而忘戒備也

鎮川堡

嘉靖十八年創築
萬曆十年磚包

本堡地勢平衍無崇岡帶河之限虜騎易于驅騁內
魏家溝黑石頭溝鎮山店俱極衝通大虜邊外威寧

海南北二岍等處酋首把都兒倘不浪扯布等部落
住牧嘉隆間虜兩由此潰墻深入故每遇開市鎮城
遊擊必提兵該堡設防焉

弘賜堡

嘉靖十八年築
萬曆二年磚包

本堡及鎮川鎮邊鎮虜鎮河等五堡先是嘉靖三年
因剗設致亂堡工遂廢十八年尚書毛 行邊謂斤
堦不設何以追奔力任成之嘉隆間屢次入犯馬首
所向必先弘賜犯弘賜則得勝之援絕而鎮城告急
所謂在我爲守所必攻誠要地也內石燕莊溝黑石
頭溝水泉溝俱當衝而石燕莊更甚即今修砌墻橋

其工爲急遼外牛心山等處酋首順義王等部落佳
牧每遇開市鎮道移駐彈壓又專設北路通判於此
稽覈糧餉焉

得勝堡

嘉靖二十七年設
萬曆二年磚包

本堡路將駐劄之地逼隣虜穴一牆之外毳幙遍野
貢市往來之踵相接于途嘉靖二十八年以前撫唐
移弘賜堡叅將駐劄于此外接鎮羌內聯弘賜擊柝
相聞烽火一傳兩堡依附矢鏃可及虜終不能獨窺
一城以恣跳梁鎖鑰之司極爲得策但叅將所屬八
堡聞警當各處馳援非本堡所得專者萬一往援于

外堡城誰與爲守議者欲增一操防爲居守之計亦
長慮也

鎮羌堡

嘉靖二十四年設
萬曆二年磚包

本堡邊塞首衝之地闔鎮大市集爲內北洞兒溝野
口等處俱極衝邊外柳河山海子等處酋首黃金榜
實威靜倘不浪等部落住牧嘉靖三十年虜由此大
舉搶至洞兒溝一帶地方若干附近海子墩榆澗堡
等處設伏邀截以俟鎮城大兵聞烽馳擊可以遏其
狂鋒今款和熄燧但每遇互市東西名王率衆數萬
蜂屯城下雖屆期道將悉至監臨又依附得勝爲之

後勁藉以無恐然事變呼吸防禦之策不可不周慎也

拒牆堡

嘉靖二十四年設
萬曆二年磚包

本堡挺出三邊之外衝要不下鎮羗而孤危寡援過之內蘆草溝破口墩俱極衝鎮夷墩鶯架嘴次之邊外平山大屯嶺等處俱酋首反成台吉耳六蛇進等部落住牧該堡小若彈丸加之土田磽确仰食內地嘉靖間虜數由此突犯至鶯架山收保防護或可自支策應方戰勢所不給增戍廣蓄所當預計也

鎮虜堡

嘉靖十八年土築
萬曆十四年磚包


本堡無邊僅守火墩但地勢平夷無險可恃若虜馬一逾拒牆本堡之禍不可嚮邇遊騎旁掠則雲岡且告急矣此實北路扼要之處不可以堡小而忽之


鎮河堡

嘉靖十八年設
萬曆十四年磚包

本堡距邊稍遠故無分邊原設守備萬曆十四年議改拒牆而以拒牆操守移置于此亦以稍緩之故然實與鎮虜堡皆拒牆得勝後門居常預爲聯絡有事彼此救援若虜犯拒牆鎮虜之間本堡亦不能安枕卧矣

不屬路城堡圖





北至北台
城三里三分
城內駐守備
及大同後衛中前
等官

聚洛城

官軍七百二十名
馬騾百九十四匹

東至陽和六十里

聚洛大路墩九座

西至大同城六十里

南至許家莊四十里

北至北台
城三里七分
城內駐守備
操官各口員

廣靈城

官軍七百二十名
馬騾百九十四匹

東至蔚州五十里

西至渾源二百五十里

南至靈丘九里

北至北台
城四里三分
城內駐守備
知縣各口員

靈丘城

官軍六百五名
馬騾百五匹

東至廣昌九十里

西至王家莊六十里

南至太白嶺六十里



渾源大路墩二十八座

北至慶城十五里

西至應州九十五里

城內四百三十二步四面有門
知州府儒學司
中前二所官軍

渾源州城


南至王家莊十九里

東至橫北堡一百二十里



北至潭源十九里


東至應州六十里



南至平州間十六里



張家口



榆關堡

鎮城

鎮城無分邊大路城四十二座

北至鎮城十八里

東至取來洛水城六十里

西至高山城六十里

撫院駐
大同城

官軍二萬二千七百餘名

代為總領部道標所等官

南至懷仁城十七里

此不屬路所轄七城堡無設叅將其兵馬隸總戎節制以糧草屬中路通判綜理故亦名中路爲總之中路之衝惟聚落許家莊蓋虜至二城則兵已過險不西犯渾源則東犯蔚羅廣靈靈丘廣昌之間悉戒嚴矣是鎮邊諸堡屏蔽渾蔚二州者也而廣昌等三邑則又藉于渾蔚爲倒馬紫荆二關保障者也聯血脉以保腹心重藩垣以成犄角休養士卒以固疆圉煦育黔黎以實禁衛庶元氣充而神氣亦自振乎

大同鎮城

洪武五年大將軍徐達因舊土城磚包萬曆八年加修

本城爲三雲會城去邊不三舍而近代王藩封在

馬 國初邊備付之鎮守大將軍永樂間始設巡撫
總兵天順間添設分巡按察司糧儲戶部嘉隆間添
邊遊兵神機等營遊擊同駐劄鎮城往歲虜馬充斥
四時戒嚴費餉勞師極矣自受款以後生齒漸煩商
旅輳集軍民樂業番人成功非復昔日凋殘景象而
識者猶厯未雨之思謂五十餘年人徂于嬉惕法格
于蠹奸宗室煩多旗軍刀敝祿糧月餉徃徃缺乏大
同之憂不獨邊計焉

聚落城

弘治十三年創
隆慶六年磚包

本城爲大同左輔與高山城稱兩翼且在雲中雲東

之介西北嶮巖東南夷坦固屯伏夾應之所也虜必
過此始能方軌連營恣意肆掠今繕城設備保障亦
足資矣但當四達之衢肩摩轂擊若應煩困十倍他
城以此守備官有願投牒而去者禁約體卹此爲尤
急也

許家莊堡

嘉靖三十九年更置
萬曆二十九年磚包

本堡原屬民堡地極平曠雖稍屬腹裏然離各城堡
方隅隔遠必城此扼塞烽堠方可四徹嘉靖中虜騎
無歲不至城下今雖寧謐然當宣大兩鎮徑路往來
如織敝于送迎且軍多烏合有甫隸籍而旋即逃匿

者所當撫卹而振飭之也

王家莊堡

嘉靖十九年土築
萬曆三十三年磚包

本堡設渾靈兩界之間咽喉之地防禦為難初止設
驛丞一員因山岩崎嶇盜賊生發萬曆十九年撫院
邢議設操把治兵扼塞無事固以弭盜有事即可
防虜地方重有賴焉

渾源城

唐州治洪武元年因之
萬曆元年磚甃

本城係腹裏北嶽魏襄環遶八山渾流入水鑿岩構
木遺址屹然誠雲中要害也若守亂嶺之關則虜騎
必難東下固磁窑之口則胡馬不至南馳况堅壁清

野虜不能久故人謂渾源之地可掠不可攻貴守不貴戰視他城稍易為力焉

靈丘城

唐開元創天順三年上築萬曆二十八年磚包

本城係腹裏山谿間阻往嘉靖二十三年虜由宣府膳房堡入遂至本城大肆殺掠然虜患猶偶耳乃其途係衝要民寡而供億不勝風氣獷悍少迂輒思操刃且礦盜時發防範固不易焉

廣靈城

洪武十六年上築萬曆元年磚包

本城係腹裏乃渾尉適中之地邑小民貧易為收歛巡徼之卒三百亦足以守但六楞山火燒嶺等處皆

礦盜巢穴禁戢宜嚴時雖安寧防不可輟耳

廣昌城

洪武七年磚建
嘉靖三十七年重脩

本城係腹裏重岡疊障密邇紫荊倒馬固兩關之要
樞也守備所領兵馬俱屬宣鎮縣官惟司土兵壯夫
與守備共守之若虜逾蔚而南此地雖必經之路然
收保自衛亦可以免惟界連畿輔逼近山谷所在多
盜彼此潛匿弭患預防是該邑之所宜急務者

蔚州城

周天象二年初建
洪武七年輒包

本城係腹裏地當宣雲之交城垣係 國初命指揮
周房督治高厚完固甲于雲中迄今二百餘年壯麗

尚如一日方塞垣未就胡馬數南討蓋爲紫荆要衝
且土沃物豐商賈輳集虜所垂涎而未經殘破者以
有茲城也故曰城塞外貴得其地城塞內貴盡其力
一勞之後可以永逸於討可見但本城兵馬俱屬宣
鎮軍民錯治當事者調劑爲難耳

屬鎮不屬路一城

高山城

天順六年建置嘉靖十四年
改建今城萬曆十年磚包

本城密邇鎮城東與聚落爲左右翼而倉廩積貯與
二衛等誠重之也城瀕于河衝決浸潰漸至傾頽大
爲可慮近築河堤頗足捍禦第地當孔道應付繁難

軍士苦累耳


大同道所轄中北西威遠三路圖

大同左衛道所轄西北威遠三路圖





北西路恭將分屬圖



西至助馬二十里

軍六百四十五名
馬一千八百匹

拒門堡

城通里三分之三
內學儒生堡者一百
把總二員

東至拒門二十里

拒門分邊一十五里
邊壤二十三座大路墩七座
柳山
柳街

里十二馬助至北

里十二馬助至北

西至破房二十里

軍六百六十三名
馬二千一百七匹

破房堡

城通里三分之三
內學儒生堡者一百
把總二員

東至鎮河二十里

西至高山城三十里

軍二百七十七名
馬六千六百匹

雲岡堡

城通里四分之二
內學儒生堡者一百
把總各二員


東至大同城三十里

雲岡無邊大路墩八座

里五十三城山高至南

里十五庄石至南

檀園堡



阿珠倘不渡
都落

漢兒

忽都兒大
同都落

三塊相續

保安分邊一十四里

漫墩一十五座

大路墩四座

東至勒馬界九里

北台至助馬十二里

城週三里三分高至
七尺內駐守七堡
各百把總二員

保安堡

軍四百六十七名
馬六百六十四匹

西至邊牆一里

南至城廂五十里

北台至八里

城週三里三分高至
丈八尺內駐守三員
堡各百把總二員

威廟堡

軍七百八十一名
馬二百九匹

南至城廂十三里

東至城廂二十里

北台至城廂十三里

城週三里三分高至
尺內駐守守堡各
各二員

雲西堡

軍三百九十六名
馬六十六匹

東至山前城三十里


雲西無邊大路墩二十座

南至石伏村五里

西至左衛城三十里

王車舖

南官
八屯



此北西路叅將所轄也屬五守備四操守分邊沿亘七十七里本路先駐應州所轄各堡原分屬左衛及鎮城北路嘉靖二十八年以邊遠鎮城難于接應乃移應州叅將于助馬以壯聲勢焉蓋未設堡之初該路原爲沙漠無邊可限助馬邊外馬頭山群虜住牧每乘高窺伺左衛一帶零掠暗劫行旅不通耕樵失所雖有更番按伏之兵無濟防禦自拓地置戍建築墩牆茂穡力田商旅雲集總兵周尚文之力居多邇來乘暇增脩所在完固邊氓安業將士蒸皇惟先事申嚴防守不墮練兵儲餉遠謀明烽無論款市足制

其心即萬一匪茹叅將調度于中守操四面馳擊首尾應援可恃無恐北西既安雲中堂奧之地重有賴矣

拒門堡

嘉靖二十四年土築
萬曆元年磚包

本堡設在極邊初爲亂草營堡改名拒門以爲鎮城門戶迤東爲彌陀山邊外地名下水海子一帶虜酋打兒汗倘不浪等部落住牧昔年虜困我軍于此總兵周尚文帥師解之萬曆十三年改操守爲守備以重事權惟是地當極衝軍馬數少議者請改撥腹裏破虜堡軍馬數百以資防禦亦緩急多寡之得其宜

也

助馬堡

嘉靖二十四年上築
萬曆元年磚包

本堡東接拒門等堡西連保安所謂外五堡也堡東地勢平曠虜易長驅而馬頭山迤西又邊在山內無險可恃邊外大樹一帶虜酋時言柰倘不浪部落在焉先年入犯頻仍殺傷甚慘其海東山鴉兒崖皆其住牧之所較諸堡尤爲最衝嘉靖末特移叅將于此款後寧謐但每市群酋蟻聚撫處防範頗費經畫近因援兵步多馬少緩急難恃因汰步軍糧餉改買操馬又將各堡援兵總集該堡士馬漸充足禦竊諱矣

保安堡

嘉靖二十五年土築
萬曆元年磚包

本堡設在極邊地勢平行與破城二堡相爲唇齒邊外玉林城一帶虜酋阿孫倘不浪部落住牧虜若由此入則高山左衛而南可長驅矣嘉靖間大舉掠至駝腰溝等地方本鎮坐營戰沒近因堡窄人稠無可居址于堡東築關廂一座軍民叢集防禦有資云

雲岡堡

嘉靖三十七年土建

本堡東西當鎮城左衛孔道舊城地形卑下北面受敵於崖北創築一堡移官軍處之仍存舊堡以便行旅近因新堡缺水復於二堡相聯東西脩築連牆二

道中有敵臺舖房萬一有倣庶取水者有所趨避而
戍守者特爲重關此該堡之兩利也

破虜堡

嘉靖二十二年土築
萬曆元年磚包

本堡舊稱極逼自添建五堡逼牆外徙稍稱腹裏以
故萬曆十三年改守備爲操守然地勢平坦無險可
據虜易長驅堵截爲難所恃土田頗饒軍士月糧外
歲收子粒足供宿飽鮮有逃亡而戚虜保安一帶均
賴之矣

戚虜堡

嘉靖二十二年土築
萬曆元年磚包

本堡外控保安諸堡內蔽左衛蓋雲西要衝地也東

與破虜相接地勢曠衍無崇山峻嶺之限而邊外豐
州雲內一帶虜酋黃金榜實土骨赤部落住牧嘉隆
間該堡屢遭殘困若保安助馬烽火嚴明破虜威虜
聲勢相接虜知有備亦不敢遠掠矣

威虜堡

嘉靖二十二年土築
萬曆元年磚包

本堡設在極邊西南地勢平曠戎馬易馳邊外地名
禿墩一帶虜酋忽都兒大同部落住牧嘉靖中累次
大舉岳總兵之衄實在于此隆慶初年本堡被圍傷
殘益甚惟是相睽左衛僅四十里萬一有警本協兵
馬星馳截擊庶可爲本堡一臂焉

寧虜堡

嘉靖二十二年土築
萬曆元年磚包

本堡邇外土城一帶虜酋大蘭把喇素部落住牧虜
若人犯必從本堡迤南而入嘉靖中由此大舉直掠
懷應山馬等地方款塞以後設有市垣夷人月赴貿
易一切防範視他堡稱難云

雲西堡

嘉靖三十七年土築
萬曆二十二年磚包


本堡西連左衛東接高山實虜必由之地雖稍近腹
裏亦要區也况各堡官軍俱有養贍地土而本堡獨
無先年雖曾議設後告退入左雲二衛故該堡之民
疲敝易逃在事者不可不加撫卹也


屬鎮不屬路一城

高山城

本城密邇鎮城與聚落爲左右二翼西通左衛實爲咽喉之地故雖屬北西路分地而鈐制之責專受鎮守倉廩積儲視左右二衛等又割前衛中右所分置其內誠重之也城濱于河衝決浸漬漸至傾頽大爲後慮近築河堤頗足捍禦惟地當孔道應付煩劇軍士苦之

中路將分屬圖





兒部統



老廟山寺
常春寺
大郭落
長壽寺
長壽寺
長壽寺

破胡分邊二十四里
邊墩一十七座
火路墩五座

東至平壤房三十里

北至平壤一里

破胡堡

城週三里高三丈八尺
內駐守備軍堡務
員把總二員

軍七百名
馬八百九匹頭

西至馬堡十五里

南至牛心堡十三里

破胡六墩十墩極衝

雲陽無邊大路墩三座

東至平壤十五里

北至破胡邊五十里

雲陽堡

城週三里高三丈三
尺五尺內駐守備
堡把總各一員

軍三百五十五名
馬六十八匹

西至牛心十五里

南至亞以屯七十二里

東至雲陽十五里

北至破胡五十里

牛心堡

城週三里高三丈三
尺五尺內駐守備
堡把總各一員

軍六百四十七名
馬三百四十九匹

西至黃土十五里

南至河家堡五十里

北郡牙害
不遠即
駐紮



小台素
病不
住收



馬堡分邊
一十里四分
邊城十五座
大路城內座

城至墩
城至墩

殘胡分邊二十五里
邊城二十四座大路墩九座

東至破胡三十里

城週一里六分高三丈六尺內駐守兵馬三百九十五名

殘胡堡

城週一里六分高三丈六尺內駐守兵馬三百九十五名

西至殺胡三十里

北至城十五里

南至城十五里

東至城十五里

九墩十九墩極衝



東至破胡十五里

西至殺胡十五里

城週一里五分五厘高三丈六尺內駐守兵馬三百六十四名

馬堡

城週一里五分五厘高三丈六尺內駐守兵馬三百六十四名

西至殺胡十五里

北至城十五里

南至城十五里

東至城十五里

紅土無邊大路墩七座

紅土無邊大路墩二十三座

西至紅土十五里

城週一里六分高三丈六尺內駐守兵馬三百四十七名

黃土堡

城週一里六分高三丈六尺內駐守兵馬三百四十七名

西至紅土十五里

北至城十五里

南至城十五里

東至城十五里

東至紅土十五里

東至黃土十五里

城週一里八分高三丈五尺內駐守兵馬三百七十五名

紅土堡

城週一里八分高三丈五尺內駐守兵馬三百七十五名

西至破廟兒十五里

北至城十五里


南至城十五里

東至城十五里

西至破廟兒十五里

里五十屯劉至南

里十二頭房油至南



此中路叅將所轄也屬五守備八操防分邊沿亘一百二十四里有奇本路叅將原設左衛嘉靖三十三年始移右衛駐劄自東勝失而雲西弱左右兩衛日就剝膚故是年移協守副將于左衛監以兵備而以左衛之叅將駐此焉本路邊比他路獨長而地去鎮城獨遠雲陽稍爲差緩黃土紅土皆當衝要殺胡馬營孤懸塞上鉄山殘胡破胡逼邇虜巢卒遇變期會不及故道協並設使之無事同心固守有警便宜堵援二衛羽檄于前諸堡犄角于後北西威遠朝發夕至聲勢相隣虜即寒盟緩急可恃惟是思患預防

一切練兵選將設險固圉申嚴斥堠禁絕私通俾邊隙不開戎心帖服雲西晏然矣

左衛城

永樂七年設磚砌
萬曆六年增修

本城初爲鎮朔衛尋革永樂七年始設左衛正統後雲川內徙因附爲本城東蔽鎮城西控右衛聯絡沿邊諸堡實爲雲西重障邊外玉林城虜酋哈台吉巢穴勢甚強盛嘉靖間一由猪兒窪入一由吳家口入直掠平陽取道境內莫禦其鋒三十七年因右衛圍困總督楊公請設兵備與協守居本衛以應右衛之援今款貢已久地方謐寧惟虜使往來絡繹不絕撫

處防範尤當加意焉

三屯堡

隆慶三年土築
萬曆二年磚砌女牆

本堡雖設臨邊以黑龍山爲險邊外土城一帶虜酋
兀蘭把喇素部落佳牧先年虜零掠無常耕牧往來
均爲所苦自此堡設而人便收歛亦爲要區但規模
狹小士馬無多有警難以防禦且軍皆撥自左雲二
衛故土係思時多逃匿以故議者欲併歸衝堡云

雲陽堡

嘉靖三十七年土築
萬曆二十四年磚包

本堡偏在西北去邊稍遠然虜若逾破胡而南未
有不躁此者軍士舊多逋逃邇來撲地佃作糴食乏

始有固志此與雲西堡爲左衛兩翼卒然有警急自收歛可保無虞較之他堡稱易守焉

破胡堡

嘉靖二十三年土築
萬曆二年磚包

本堡邊外雲川城一帶酋首反鴉撓兒部落住牧萬曆十三年以該堡隣邊操守權輕不便彈壓題改守備復撥牛心堡軍馬共足該堡七百之數較前頗稱有備第堡城窄隘節年草束堆聚堡外不惟有倣難恃抑且火盜宜防議建關廂一座改設草場于內其堡外星散之民聽其從便建房未爲已禁實于防邊有賴焉

牛心堡

嘉靖二十七年土築
隆慶六年石包

本堡當左右二衛之中北有黑龍王等山重岡疊障
先年零騎搶掠不時右衛聲援幾絕自設此堡烽火
易通原置守備以稍近腹裏改操守駐之堡城屢塌
近兼用磚石脩理足稱完固保障亦可無虞

馬堡

嘉靖二十五年土築
萬曆元年石包

本堡遼外禿塔地方虜酋把都牙害倘不浪部落住
牧嘉靖間虜衆大舉殘掠一空款貢以來休養生聚
凋殘漸復堡狹人稠民居四野且草場亦設堡外近
于堡南增建關廂一座以資防守云

殘胡堡

嘉靖二十三年土築
隆慶六年石包

本堡邇外沙城一帶虜酋卜治素倘不浪部落住牧
先年數被鹵掠自設此堡東隣破胡西隣殺胡彼此
聯絡足爲右衛羽翼且土田沃饒軍士樂業關廂添
設草場無患而人亦得所棲止焉

黃土堡

嘉靖三十七年土築
萬曆十二年磚包

本堡地勢平行虜騎易于馳突先年因懲虜變創設
此堡脩築牆垣以聯戍守密邇右衛聲援易及各堡
在望唇齒相依萬一有警亦足自固

殺胡堡

嘉靖二十三年土築
萬曆二年磚包

本堡當西北之極邊邊外下水栢木海子虜酋鉄木
兒忽部落住牧最稱強悍且免毛河直通塞外川流
平行牆難脩築虜易長驅昔年大舉多從此入盖要
害處也款後虜倣雖息然地當孔道境上夷使往來
市場應酬煩劇防閑撫處極費調停市樓設在暗門
而水口在西空曠可慮議于河東添設敵臺敵樓與
市樓並峙以成犄角亦足固衝堡之藩籬也

紅土堡

嘉靖三十七年土築
萬曆二年石包

本堡正當右衛東來孔道迤東則黃土牛心雲陽諸
堡也昔右衛被圍去左衛僅七十里聲援阻絕故立

各堡以備往來接濟豈直重險可憑即行旅亦有賴
矣

馬營河堡

萬曆元年
土築

本堡當右衛殺胡之中邊外虜酋哈喇土祿免部落
住牧向因多警特設此堡距本堡僅八里應援易及
可恃無恐但軍士除撥墩哨備外僅百名餘而糧隨
右衛支領一遇有事實難責其固守併歸衝堡是亦
一策然或虜騎竊發藉以收歛人畜不無小補云

右衛城

永樂七年始設
萬曆三年磚包

本城初爲定邊衛後革永樂七年始設右衛正統後

徙玉林內附焉邊外大松枝一帶酋首哈喇土祿免
阿不臘部落住牧嘉靖中大舉圍困數月不解幾爲
所陷款後夷使絡繹尤甚他城其馬騾騎乘常抵虜
巢始返軍士苦累亦甚萬一犬羊寒盟此實首禍之
地向因城牆傾圯題請修葺包甃固完保障足恃焉


鐵山堡

嘉靖三十八年土築
萬曆二年磚包

本堡邊外小松山地方虜酋一克哈喇兎部落住牧
嘉靖間虜由此入犯攻掠靡遺後葺此堡遂以鐵山
名之北望石衛南接雲石中路諸堡亦稱要衝萬曆
十三年改設守備增築關廂去右衛僅二十里援兵

附近深賴其力焉

威遠路參將分屬圖





吉都落
夷力長台

威遠分邊二十五里三分
邊墩十六座大路墩四十
五座

里十五城衛右至北

西至雲石橋堡三十里

東至祁家河二十里

里十三村石板花至南

威遠城
城隍廟
駐紮守備中軍各一員千把總七員及衛所鎮撫等官
軍二千八百四十八名
馬六千九百九十二匹

宋銀兒橋升
寺部著

雲字七墩徑街


西至直道牆三里



南至王城胡十三里


東至威遠四十里

雲石分道二十四里遠墩二十二座
大路墩十七座



五十


西至平房四十里



南至花家寺五十里

威遠無邊大路墩十座

東至良馬西二十里



此威遠路叅將所轄也屬三守備二操守沿邊三十
九里九分本路原非舊設其設而裁裁而復者屢矣
後因王石匠河敗績各城堡卒難應援復畫地置將
而設本路於此本路去右衛七十里北扼大南山胡
柴溝東北接牛心山極當衝要故議于威遠左衛適
中添設祁家河堡二城血脉始通西距平虜八十里
往歲虜據郝二官屯二路聲援阻隔復議威平增兵
置備以爲接應甚爲得計今改操守領之該路極隣
西鄙入窮地瘠雖設叅將較諸分守兵馬單弱設有
緩急不足爲恃議者謂本路西南各堡并民堡尚多

俱係右衛所轄在右衛中隔本路談之鞭長在本路地非本屬不能臂使欲爲調停改置亦一策也

祁家河堡

嘉靖四十一年土築萬曆元年石包

本堡西藩威遠東蔽左衛往來賴其接濟止管火路墩臺無事督令備守有事收斂人畜地土饒沃耕斂以時使野無曠土人有蓋藏足資保障焉

威遠城

正統三年磚建萬曆三年增脩

本城地勢平漫無險可恃邊外小松山一帶虜酋麥力艮台吉部落住牧嘉靖九年虜由黃榆山入後由臙雞屯入直犯懷應地方大肆搶掠四十三年大舉

陝西志
卷之三
參將崔世榮死之最稱衝要與右衛平虜輔車相依
聲勢聯絡蓄兵儲餉是該城之最急務云

雲石堡

嘉靖三十八年土築
萬曆十年改建磚包

本堡舊據山爲險緩急可恃後緣山高無水防守爲
難且離邊太遠不便市場改建於王石匠河密邇市
口但地勢平曠險非所憑且東南北三面近山虜登
之我虛實悉見雖藉本路援兵而相拒頗遙道路崎
嶇轉輸未易邊外虜酋宋銀兒板升等部落住牧有
倣殊可寒心議者欲於堡外東南高岡之處添築一
臺爲孤堡一臂之助又堡外居人無關可恃增築關

廂以備趨避之所即今承平亦弭盜之一策矣

威胡堡

嘉靖二十三年土築
萬曆九年磚包

本堡地當絕塞密邇虜巢邊外禿塔一帶虜酋毋忽
速部落住牧周二河大口子俱通零騎往年竊掠無
時款後邊患稍息然地極孤懸應募者少且去該路
頗遠有敵卒難救援防禦之策最宜慮矣

威平堡


嘉靖四十五年土築
萬曆元年石包


本堡當威遠平虜之交南北應援所關甚重然稍近
腹裏無邊垣防守之責以故萬曆十三年改守備爲
操守本堡與祁家河地土肥饒最宜播種廣招佃作

多儲糗糧以備緩急之需該路所宜留意焉

分守冀北道所轄西井二路圖

分守冀北道所轄西井二路圖






西路恭將分屬圖

三頭子下十
四日海大
早佳牧





不遠都洛

小南英倫

非

北至邊橋十二里

西至邊橋二十里

東至平陽三十里

敗胡分邊長八里三分
邊墩十五里大路墩留屋

城週一里零二百八十步
高三丈六尺內駐標
守一員
敗胡堡
官軍四百五十八名
馬五十四

南至迎恩五里

紀元前古
郡落

威化慎部落

唐文倫不
浪部落

迎恩分邊一十里

邊墩十七座

大路墩五座

王家山衙

東至平虜三十里

西至邊橋十里

北至胡五里


城週里零二百八高
三天七尺內駐守備一
員

迎恩堡

官軍五百九十八名
馬九十五匹

南至胡里十

五十六



咸元慎部
落駐牧

出羊餉不煩
等部若



北至


阻胡分邊長八里九分

邊墩二座
大路墩四座

猶兒窪沙穴
連北通版升穴



東至平虜三十里



阻胡堡

城週一里零二十六步
高三丈五尺內駢排
守一員
官軍三百九十六名
馬七十匹

西至邊牆十里

南至胡城十里

五十七

四



此西路叅將所轄也屬二守備二操守分邊沿且四
十七里六分有奇初設平虜城僻在本鎮西南四面
環山孤懸絕塞嘉靖二十二年添設迎恩敗胡阻胡
以相聯絡蓋平虜之藩籬既密則朔代之堂奧自安
故沿邊僅四十七里幅幘非廣而犄角森聯隘要故
也邊外毋論苜蓿駐牧不一大舉處處可通卽版升
巢穴蜂屯蟻聚本路援兵騎卒不及千名兵視諸路
爲寡守視諸路較難虜若匪茹茲先受敵且又山高
地冷不產良穀軍餘所種止苦苽油麥之類煖遲霜
早生計蕭然幸款貢日久我得繕脩開墾垣塹

頗爲改觀乘此閒暇之時積儲卹疲飭戎練武斯備
禦之上策耳

平虜城

成化十七年築
萬曆二年磚包

本城北面臨山憑高之勢險與虜共東西隣岡勾杆
易及故於連城設築敵臺以據全山之勢保障庶有
賴焉但地當極衝順義王部落住牧本邊大口子大
水口而迤北又密邇板升嘉靖間屢由此入犯那吉
投降俺荅圍城月餘薪水不繼幾不能全今積炭鑿
井以防不虞又復鎮城原調團操軍七百名糧于本
城召募新軍庶幾有備但秦晉之使差取道邊路累

鼎不絕營馬多爲累損云

敗胡堡

嘉靖二十三年創
隆慶六年磚包

本堡邊當極衝胡騎一馳呼吸可至軍多隻身地苦
窳薄守爲極難邊外地名涼露臺斧刃山俱上吉素
倘不浪部落住牧迤北通板升巢穴嘉靖間零騎不
時入掠末年板升諸逆爲謀此堡被掠尤甚今與迎
恩阻胡諸堡聯絡數里之內且逼近平虜相爲聲應
烽燧明密卽有緩急唇齒可依雖大舉勢不能禦零
搶之虜可無患焉

迎恩堡

嘉靖二十三年土築
萬曆元年磚包

本堡三面受敵惟北面倚山近堡築墩一座內儲鎗砲以備防禦邊外地名黃草梁威元慎部落佳牧其雙碾兒迤北俱通板升巢穴隆慶元年虜大舉從此直抵山西陷石州備極慘掠復從故道而出議者謂得數千人扼此堡邀虜虜必失利而惜當時之無人也款貢以後小市往來關防嚴密各夷謹守然犬羊叵測守茲地者不可不朝夕如臨敵焉


阻胡堡

嘉靖二十三年土築
隆慶六年磚包

本堡極衝邊外地名沙灘威元慎部落佳牧本邊豬兒窪沙穴迤北通板升巢穴嘉靖間由此入犯寧鄉

附
卷之三
三
岢嵐等處蓋此堡西阻偏老南限鴈代虜欲內入首
嬰其鋒雖倚附迎恩滅胡三堡相爲犄角恃以無虞
然道路孤懸虜騎衝突勢不可當所宜加意備守者
也

井坪參將分屬圖



懷仁火路墩二十九座

東至西水營三十里

山陰火路墩二十五座

東至應州六十里

西至馬

北至大同十七里

懷仁縣城	城周三里二步高四尺內駐守備知縣及守禦千戶所
官軍六百六十五名	馬二千九百匹

西至馬

南至應州十六里

北至高王峪十六里

山陰縣城	城周三里二步高四尺內駐守備知縣及守禦千戶所
官軍六百六十五名	馬二千九百匹

西至馬


南至西山邊十四里


北至寶峯山五十五里

馬邑縣城	城周三里二步高四尺內駐守備知縣及守禦千戶所
官軍四百五十五名	馬四千五百匹

西至朔州四十里

南至廣武站十四里





寧生哈
部落

明義王部
舊駐牧

北

威胡分邊長五里
東至平廣四十里
邊城二十七座

火森堡座

北至阻胡十里

威胡堡
城道一里零二百八十 六步高三天七尺內 駐守備二員
官軍五百三十九名 馬二百四

西至邊城十五里

南至乃河十四里

北至威胡十四里

乃河堡
城道一里零二百八十 六步高三天七尺內 駐守備二員
官軍三百四十三名 馬七十九匹

東至井坪四十里

南至民利堡十七里

將軍會分邊長二十七里
邊城三十二座又與山西界分墩座

大路墩七座

蒙生極衛

北至威胡五十里

將軍會堡
城道一里零二百八十 六步高四天四尺內 駐守備二員
官軍六百三名 馬一百一十二匹

東至乃河四十里

南至賈家堡十三里

西至角山十里



此井坪叅將所轄也屬八守備二操守分邊沿亘三十里有奇該路沿邊四堡最衝井坪原屬西路自南路叅將改移井坪遂與朔應山馬等城通爲一路邊外順義王部落及板升餘黨又逼隣多羅土蠻巢穴嘉靖間諸虜大舉深入左窺鴈代右寇太原東擾朔應本衛先爲門庭故井坪不戒則內地危而井坪以一路兵力欲應數百里邊腹之遙勢必不及若虜騎繽紛當聯本鎮各路之兵邀山西出奇以應庶可堵截長驅不然畫地而守秦越相視使虜輕內地恣意狂逞此昔年石州之覆轍善邊者至今有遺憾也

井坪城

成化二十一年土築
隆慶六年磚包

本城衝緩相半境無分邊王家庄抵河皆通大舉若
犯平虜威遠朔州地方必由此入嘉靖五年虜寇本
城叅將李瑾督勁兵來擊之虜敗去數年不敢窺雲
南自後兩犯石州薄城下無敢舉火者近移南路叅
將駐居此城兵勢頗盛若錢糧及時訓練勤熟烽火
嚴明由朔州以達乃威各堡聲援相及可保無虞焉

威胡堡

嘉靖二十三年設
萬曆元年磚包

本堡極衝邊外地名黑石崖順義王部落住牧本邊
中溝等墩迤北通板升巢穴地形漫衍未有隘塞且

界處二鎮之間苟一越牆而患卽中于朔州且窺馬
邑矣欲固守以爲南障此爲要地云

將軍會堡

萬曆九年建二
十四年磚包

本堡舊名白草坪山險阜高邊外逼隣多羅土蠻巢
穴地遠戍守不便嘉隆間爲虜淵藪兵守則虜潛兵
撤則虜至耕牧俱廢人跡幾絕當事者創議脩築割
兩鎮之要區據三城之衝會無事則列壘而居有警
則環策而應襟吭既據內地亦有恃焉

乃河堡

嘉靖四十五年土築
萬曆元年磚包

本堡分守雖無邊隘虜人極爲要衝大溝口嚮石溝

口俱通大舉西則犯山西老營堡南則窺利民堡蒺
麥川東則寇井坪朔州迤北通板升巢穴嘉隆時屢
次人犯城幾爲陷蓋虜之入犯老營兵僅保西界乃
河割地分守兩鎮利害所關故有事必協力應援無
分彼此庶克有濟耳

朔州城

洪武三年磚建
萬曆十五年增修

本城雖不臨邊然處雲中之南寧鴈之北地方平漫
虜騎易馳實三雲要害之區兩鎮適中之會也故先
年軍門駐劄後移陽和止設兵備納款以後邊患稍
息萬一蠢動則井朔二城首當其衝蓋乃河井坪爲

朔州之衛而朔州又寧武山馬之衛也思患預防相機審處惟各地方同舟共濟輔車相依若虜一犯朔山西之兵徹其前平井之兵襲其後雲東雲中率兵夾攻則虜勢雖強必四顧牽制不敢狂逞矣

馬邑城

洪武十六年土築正統二年展拓隆慶六年磚包

本城雖在腹裏亦係要衝先年武備廢弛大虜驟至屠戮備慘歎後邊警稍息但土地磽薄不能生聚軍無故籍招集爲難必軍民樂附士馬飽騰是在守備邑令加意振飭撫綏乃可無患不然雖洪濤環後鴈塞居前桑乾灰河襟帶左右亦難限界止虜矣

山陰城

古縣治永樂三年土築隆慶六年磚包

本城處諸城堡之內亦號次衝兵寡土饑耕植不易嘉靖七年北虜由大石梁入寇十年由鎮城西下幾爲所陷然本城八嶺拱圍二河經帶形勢可據儻以腹裏玩易不思備防則度此以直窺鴈門未易言矣

應州城

古州治洪武八年土築隆慶六年磚包

本城魏稱神武唐置金城龍首鴈門南北相應亦勝地也但地勢平行虜易長驅嘉靖十九年由平虜并坪入掠朔應自後大舉零寇歲犯無常二十二年置分守叅將旋改駐井坪議者謂本城屬在腹裏又南

鄰山西北樓口虜雖至此不敢久留然相隣郡邑方寡難援一方生聚何恃不恐又額賦大重民多逃亡四野荒蕪閭閻蕭索招撫調停以實保障是在良有司耳

懷仁城

洪武十六年設
萬曆二年磚包

本城設在腹裏當三雲之中地瘠民貧非虜所垂涎者嘉靖二十三年北虜夾鎮城而下總兵彭英堅壁不戰任其大掠而還人至今憾之今款貢已久虜患猶緩但地土荒蕪民逃且半額糧拖欠催科不前所當以撫字爲招徠者也

險隘考

○卷之三

五

西安堡

嘉靖四十年設土堡
萬曆二十八年磚墻

本堡雖不隣邊然北近雲中南附鴈代苟遇有警烽
火一舉羽書四至則傳宣必經之地也嘉靖二十三
年虜由上谷膳房寇應懷本地被掠尤甚故繕城設
官足備不虞但當雲中孔道且地薄兵寡路衝差煩
軍多烏合朝諫夕迯必操守得人庶卹軍養力不至
困苦不支耳